

'Fluba nɛn Pɔl -a crɛn -tɛ Kolɔs 'nɔn lɛ

¹ An 'bɔ Pɔl bɛ, Bali 'bɔ 'ci 'sɔ 'a nɛn an drɛ Zozi 'le 'pasiazan -a. Mɛɛn 'fluba 'gʊɛ -a crɛn -tɛ 'kʊ 'vale -kaa "bʊi Zozizan Timote -a. ² Kʊa crɛn -tɛ 'ka Bali -le minnun nɛn Kolɔs fla bɛ 'cɛɛ. Ka drɛ 'kʊ "bʊi Zozinɔn 'a, ɛn 'ka 'pɛ -sru 'ka 'e tɔadɪ Zozi 'le 'wɪ 'ji dɪ.

-Kaa "tɪ Bali 'e 'yee "yi 'lee 'yee -fʊdɪ -trɔɔ -nɔn 'cɛɛ.

Pɔl Bali trʊ 'ba Zozinɔn nɛn Kolɔs fla bɛ -wɛ

³ Tʊ pɛɛnɔn man, -te kʊ ya Bali trʊ 'banan 'cee 'wɪ man bɛ, Bali nɛn -kaa san Zozi Crizi "tɪ "a bɛ kʊa muo -fɔa. ⁴ Cee yi -teradɪ Zozi Crizi da bɛ, kʊa 'wɪ 'man, ɛn 'cee Zozinɔn pɛɛnɔn yɪdɪ "yi "bɛ, kʊa 'wɪ 'man "nyian. ⁵ Fɛ nɛn Bali -a 'pla 'cee vɛ -a laji, ɛn 'ka 'bli a -yrɛ "bɛ, -yee "wɛan nɛn ka 'wɪ zɪɛ -a dra. Fɛ 'bɔ zɪɛ Zozi 'le 'wɪ 'nɔnnɔn nɛn 'wɪ tɪglɪ 'a bɛ, zɪ e 'bɔla 'ka 'va bɛ, ɛn ka -yee 'wɪ 'man 'e tɛdɛ. ⁶ Zozi 'le 'wɪ 'nɔnnɔn 'lein 'bɔ nɛn e 'bɔla 'ka 'va bɛ, e ya fuilanan "man 'trɛda fɛ pɛɛnɔn 'nan. Minnun nɛn waa maan te o 'ta wɔla "da "bɛ, o "nɛn "a -kʊnan 'padɪ -a "da. 'Wɪ 'tɔwli zɪɛ -yɛɛ cɪ drɛnan "nyian 'cee 'va. 'E pou 'sia yi nɛn ka 'wɪ 'nɔnnɔn bɛ -a 'man, ɛn kaa -ci 'man 'kpa tɪglɪ, 'nan 'ka nyirinda -sɛan Bali da bɛ -a da. ⁷ -Kaa "bʊi Zozizan Epafra nɛn kʊɛ 'nyranman "paa waa, ɛn kʊa ye "yi 'kpa bɛ, 'wɪ 'nɔnnɔn zɪɛ -yɛɛ paa 'ka 'ji. -A -pɛ -sru 'ka 'e tɔadɪ Crizi -le 'nyranman nɛn yaa "paa 'ka 'va nun bɛ -a -ji dɪ. ⁸ Min yɪdɪ "yi "nɛn Bali lei -a -nyran 'ka 'ji bɛ, -yɛɛ -nan 'sinan 'pa 'kʊɛ.

9 -Yee "wεan 'ku 'bɔ "nyian, zɪ ku 'ka 'ta wɪ 'man bε, ku'a tian 'flinlε Bali trv 'badɪ -a 'cee 'wɪ man dɪ. Kva laabv Bali lɔ 'nan, 'e 'wɪ 'tɔdɪ 'lee 'wɪ 'fa 'si bli nɛn e "sia -yee lei 'saun 'va bε -a -nɔn 'cεε, -e zɪ -a ci 'sɔ wɪ ci bε 'ka -tɔ 'e 'ciɪla "da. 10 Ku Bali trv 'ba zɪε 'nan, -e 'cee 'ta wv -pε 'e -kɔɔn 'nan Minsan -sru "nɛn ka ci, -e 'e 'sɔ -yrε. En kva trv 'ba "nyian 'nan -e 'ka 'wɪ "yi 'tɔ 'tɔdv pεɛnɔn drε, 'nan -e 'cee Bali -tɔdɪ bε 'e 'pa "da! 11 En ku Bali trv 'ba "nyian 'nan, -yee 'plɛblɛ nɛn -a -kɔɔn "manvε "ka "dɪε, 'e 'ka 'tɔ 'plɛblɛ -pε pεɛnɔn 'ji. Bali 'e drε zɪ, -e 'ka "koe 'e vɪε 'e 'si 'ka da dɪ, -e 'ka 'man -sran 'wɪ 'ji, te ci "nrandɪ a 'ka 'lɔ. 12 'Ka 'ka "tɪ Bali muo "fɔ! -Yεε -si 'lε 'sɔ, εn "yi "nɛn yaa 'pla 'yee minnun -le vε -a bε e drε 'cee vε -a. "Yi zɪε yaa 'pla 'yee mingɔnnɛn trε nɛn e "bia bε -a da. 13 -Yεε -kaa 'si klun -le 'plɛblɛ 'wlu, εn -a -pɪ nɛn e 'sɔ -yrε "bε yaa -tɔ -kaa da. 14 'Wɪ nɛn -a -pɪ zɪε yaa drε bε, -yee "wεan Bali -kaa ta pan 'wv, εn e -cee 'wɪ 'wɪdɪ fui.

15 Bali nɛn wa'a ye dɪε, zɪ e ci bε, -a 'bɔ nɛn Zozi -a kɔɔn minnun lε. -Yεε ci Bali -pε drε fɛnun pεɛnɔn da "le Bali -le 'nɛn flin -le 'wɪ 'zv. 16 Kɔɔ -a 'bɔ 'va nɛn Bali ciɪla εn e fε pεɛnɔn drε. Fε pεɛnɔn nɛn min -a ye 'e yiε 'a 'trɛda bε, 'lee fε pεɛnɔn nɛn laji te min 'ka -a 'ye dɪε, -yεε o drε. -Nyɛn "le lei -wɪdɪnun -le 'wɪ 'zv, εn -nyɛn "le fɛnun pεɛnɔn nɛn 'plɛblɛ a -wɔ "bε -wee 'wɪ 'zv. Bali ciɪla 'e 'pɪ Zozi 'va εn e fɛnun pεɛnɔn zɪε -a drε. -A pεɛnɔn zɪε o ya -nan 'nan, -e 'o -a -pɪ 'tɔ drε -dan. 17 En Zozi Crizi 'bɔ 'bε ci fε pεɛnɔn 'wulo -a, εn -yεε o man dra. 18 -Yεε ci -leglizi nɛn -a 'bɔ po -a bε -a -wulo -a, εn -yεε ci -a pou -a. -Yεε ci min tɛdɛ nɛn e wluan -kanɔn 'va bε -a, 'nan -e 'e 'kɔn fε pεɛnɔn 'lε. 19 E ya Bali 'bɔ 'ji 'nan 'yee -dan nɛn 'e

cɪ -a bɛ, 'e 'nyran a 'e 'pɪ -va. ²⁰ ɛn e ya "ji "nyian 'nan 'e -ciala 'e 'pɪ -va -e 'e fɛ pɛɛnɔn yei "sɛn 'e cin va 'o 'vale 'e 'bɔ 'a. Zozi 'le -ka nɛn yaa 'wɔ yiba "plan "da ɛn -a nyɛn -sran bɛ, -yɛɛ -maan 'wɪ 'ka "nyian Bali 'lee fɛ -tɔ yei "fo "dɪ. Fɛ pɛɛnɔn nɛn laji oo, ɛn fɛ pɛɛnɔn nɛn 'trɛda oo, 'wɪ 'ka 'o 'vale Bali -a o -tɔ yei "dɪ.

²¹ 'Ka 'bɔ "nyian, 'wɪ 'tɔwli zɪɛ e ya 'cee vɛ -a. 'E tɛdɛ bɛ, te ka ya 'ka 'sidɪ Bali man -kɔɔbli, ɛn ka ya -a 'nanmannɔn 'a. 'Ka drɛ wɪ -wɪdɪnɔn 'lee 'cee ci "nrɔndɪ 'wɪdɪ 'bɛ -ci -kɔɔnman zɪɛ. ²² ɛn 'bɛ nɛn 'gʊɛ, Zozi 'le -ka nɛn yaa 'wɔ "le blamin -le 'wɪ 'zɔ bɛ, -yee "wɛan Bali 'ka drɛ 'e beenun -a 'nan, -e 'ka -pli 'e man, te ka ya 'saun 'e 'lɛ, ɛn 'wɪ 'wɪdɪ 'ka 'ka man dɪ, ɛn 'tɔ 'tɔ 'ka 'e 'padɪ 'ka man dɪ. ²³ -Yee "wɛan 'ka 'tɔ 'plɛblɛ! Te 'ka "koe 'e 'si 'ka da yi -tɛradɪ -a Zozi da dɪ! Fɛ nɛn Bali -a 'pla 'cee vɛ -a laji bɛ, te 'ka 'bli 'si -yrɛ "dɪ! Fɛ 'bɔ zɪɛ Zozi 'le 'wɪ 'nɔnnɔn nɛn kaa 'man bɛ, -yɛɛ -ci 'si 'cɛɛ. ɛn Zozi 'le 'wɪ 'nɔnnɔn nɛn waa 'sinan 'pa minnɔn pɛɛnɔn lɛ bɛ, -a fuɪladɪ "man "nɛn 'an 'bɔ Pɔl -a "paa 'nyranman -a.

Pɔl -le 'nyranman

²⁴ 'An yra nɛn an cɪ -a yinan 'gʊɛ, 'ka lɛ nɛn, ɛn -a 'wɪ 'an 'ci "nranman. Kɔɔ Crizi -le yra yɪdɪ bɛ, -a 'le nɛn an cɪ -a -sranman. An ya 'an yra yinan -yee -leglizi nɛn -a po a bɛ -a man. ²⁵ An drɛ -leglizi -le 'nyranman 'pazan 'a, kɔɔ Bali 'bɔ 'bɛ 'nyranman zɪɛ -a -pɛba 'wɔ 'an 'lɔ, 'nan -e 'an 'yee 'wɪ vɪ 'cɛɛ 'e pɛɛnɔn. ²⁶ Bali -le 'wɪ 'bɔ zɪɛ, 'li bɛ te e ya 'e yɔɔdɪ minnɔn man. 'Pian 'bɛ nɛn 'gʊɛ, Bali -a kɔɔn 'wein minnɔn nɛn o cɪ -yee vɛ -a bɛ -wɪɛ. ²⁷ Kɔɔ -a -cin a Bali ji 'e 'cɛn 'nan, 'e 'wɪ yɔɔdɪ zɪɛ -a ta bɔala 'yee

minnun le -e 'o -tə 'nan, 'wɪ yɔɔdɪ 'bɔ a -dan, ɛn -a -kɔɔn "manvɛ "ka "dɪ. ɛn minnun nɛn o 'ka Zuif 'nɔn 'a dɪɛ, e ya -wee vɛ -a "nyian. 'Wɪ yɔɔdɪ 'bɔ nɛn 'nan, kaa nɛn ka 'ka Zuif 'nɔn 'a dɪɛ, Crizi a 'ka yei, ɛn -yɛɛ -maan 'ka 'bli a "da 'nan Bali -le mingɔnnɛn trɛ bɛ, "ka -koo "da.

²⁸-Yee 'wɪ nɛn kʋa ve minnun pɛɛnɔn lɛ. 'Wɪ 'tɔdɪ -a nɛn kʋa "paaman o ji, te kʋ -ko 'wɪ pladɪ -a -wɪɛ. Kʋa dra zɪɛ 'nan, -e minnun pɛɛnɔn 'o drɛ ceje Crizi -le 'wɪ 'ji. ²⁹'Wɪ zɪɛ -yee "wɛan nɛn an 'nyranman "paa, ɛn 'an 'fli -mɛan dra. Crizi -le 'plɛblɛ nɛn e 'nyranman "paa -a 'an man 'plɛblɛ 'gʋɛ, -yɛɛ -maan an -kɔlamɛn 'wɪ zɪɛ -a drɛdɪ -a.

2

¹'Wɪ nɛn an cɪ -a drɛnan 'cee vɛ -a 'gʋɛ, 'lee Zozinɔn nɛn Laodize bɛ -wee vɛ -a 'gʋɛ, 'lee Zozinɔn -mienun nɛn wa'a tian "nyian 'an yɪɛ 'o yɪɛ 'a dɪɛ -wee vɛ -a 'gʋɛ, an ya "vale 'nan 'ka -tə 'nan e ya "le -kuli man nɛn an cɪ. ²An ya -a drɛnan zɪɛ 'nan, -e 'ka "koe 'e 'tə 'ka da, ɛn "nyian -e yɪdɪ "yɪ 'e 'kɔn 'ka yei, te 'ka yɪɛ -tɔa 'ka cin va. An ya -a drɛnan zɪɛ "nyian 'nan, -e 'cee 'wɪ 'tɔdɪ 'e 'ciɪla "da, tɔɔn -e Bali -le 'wɪ yɔɔdɪ bɛ 'ka -ci man. -Yee 'wɪ yɔɔdɪ zɪɛ Crizi nɛn. ³ɛn Crizi 'bɔ 'va nɛn Bali -le 'wɪ 'tɔdɪ pɛɛnɔn cɪ, ɛn -yɛɛ ta bɔala min lɛ.

⁴An 'wɪnɔn zɪɛ -a 'vɪ 'cɛɛ 'nan -e min 'e vɪɛ 'e 'ka see "paa 'e wei -a, -e 'ka 'si -si tɪglɪ da dɪ. ⁵'An 'ka 'ka "srɔn "kogo dɪ, 'pian 'mɛn cɪ "nrɔndɪ pɛɛnɔn a 'ka 'va nun. Ci "nrɔndɪ a 'an 'lɔ, kɔɔ maan -kɔnnɛn 'yɪ 'nan 'ka 'ci "nrɔnman 'wɪ 'tɔwli "da, ɛn ka ya 'ka 'tɔdɪ -kli 'cee yɪ -tɛradɪ Crizi da -ji.

⁶Ka wɪ "man 'nan Zozi Crizi 'bɛ cɪ 'ka 'san -a, -yee "wɛan 'ka 'fɔ 'ka lɛadɪ "man! ⁷'Ka 'kɔn Zozi 'va "le

yiba "nɛn -a "sɛin "a 'trɛ 'ji 'plɛblɛ bɛ -yɛɛ 'wɪ 'zv. ɛn "nyian "le 'kɔn nɛn waa -pʊ -fɔ 'plɛblɛ bɛ -yɛɛ 'wɪ 'zv. Yi -tɛradɪ Zozi da nɛn waa paa 'ka 'ji bɛ, 'e 'kʊ 'padɪ -a "da. ɛn 'ka Bali muo "fɔ -tidi.

'Ka drɛ 'yi minnun nɛn o Bali-le 'wɪ ve 'wlu 'a bɛ o va

⁸ 'Ka yɛ 'tɔ 'ka 'fli -va! Te min -tʊ 'e 'ka see "paa 'yɛɛ 'wɪ 'tɔdɪ -a -e 'ka 'si -si tɪglɪ da dɪ! 'Wɪnun nɛn yaa ve bɛ e ya 'wɪ "tun "a, ɛn 'wɪnun nɛn blamin -a "nrɔnman 'e 'wulo -ji -e 'e vɪ bɛ -nyrɛn. Lei -wɪdɪnun 'pa 'nyranman nɛn, zɪɛ. Ya'a 'sia Crizi -va dɪ.

⁹ Te min 'e 'ka 'man yɪ dɪ! Kɔɔ min nɛn e Bali kɔɔn minnun lɛ -pɛ pɛɛnɔn 'ji bɛ, Crizi -tɔwɪ "nɛn. ¹⁰ ɛn Crizi 'bɔ man nɛn ka cɪ 'ka lɛadɪ, -yɛɛ "wɛan fɛ -tʊ 'ka 'e 'klɪdɪ 'ka man Bali -le 'belidɪ va dɪ. Fɛnun pɛɛnɔn nɛn 'plɛblɛ a -wɔ ɛn o min "paala bɛ -yɛɛ cɪ o da.

¹¹ ɛn "nyian 'cee lɛadɪ Crizi man bɛ, e ya 'ka 'fɔdɪ -klɔnmɔn -va -a. 'Ka 'fɔdɪ -klɔnmɔn -va zɪɛ, e 'ka 'nan blamin plɔ 'pla 'ka man 'e 'pɛ -a dɪ, 'pian Crizi -va nɛn e 'si, ɛn -a -ci nɛn 'nan 'ka 'vale 'wɪ 'wɪdɪ "a ka cɛɛn 'e cin man. ¹² 'Ka -batize nɛn waa drɛ bɛ, e ya "le min nɛn ka cɪ -a 'e tɛdɛ bɛ -wɛɛ 'wʊ 'trɛ 'ji 'o 'vale Crizi -a. ɛn "nyian e ya "le Bali 'ka wluan -kanɔn 'va 'ka 'vale Crizi -a, kɔɔ ka yi -tɛala Bali -le 'plɛblɛ nɛn e Zozi Crizi wluan -kanɔn 'va bɛ -a da.

¹³ Kaa nɛn ka 'ka Zuif 'nɔn 'a dɪɛ, 'e tɛdɛ bɛ 'wɪnun nɛn o cɪ 'wɪdɪ "bɛ kaa dra. -Yɛɛ -maan Bali 'lɛ bɛ, ka ya "le minnun nɛn o ya 'o 'kadɪ bɛ -wee 'wɪ 'zv. 'Pian 'bɛ nɛn 'gʊɛ Bali 'belidɪ -nɔn 'cɛɛ 'ka 'vale Crizi -a. Bali -kaa pɛɛnɔn 'le 'wɪ 'wɪdɪ fui -kaa man.

¹⁴ 'Wɪnun nɛn o 'wɪ -tɔa -kaa man bɛ, -a pɛɛnɔn a 'e 'crɛn -tɛdɪ. 'Pian Bali -a fui, ɛn yaa 'lɛ 'ka yiba

"plan da. -Yεε drε Zozi 'le -kadı -a. ¹⁵ En "nyian, fεnun pεεnɔn nεn 'pleble a -wɔ εn o min "paala bε, Bali o 'lε 'ka. -Guliga -blıdı -a nεn, yaa kɔɔn minnun pεεnɔn lε 'nan 'e o klı.

¹⁶ -Yee "wεan -a -si 'ka min -tɔ -lɔ -e 'e tin -tε 'ka da, fε nεn kaa -ble bε -a man dı, 'lee fε nεn kaa -mlıan bε -a man dı. -A -tɔwli "nεn "nyian "fedi yınun -a, 'lee mlεn yi -tɔ -a, 'lee 'flınla "yi -a. ¹⁷ Wınnun pεεnɔn zıε -wεε trɔa 'wı nεn e "ta -daa "drεlε bε -a 'lε "le -a fulɔ lei -zɔ. 'Pıan fε 'bɔ nεn -a fulɔ lei -trɔa 'si 'lε bε, Crızı 'bɔ nεn.

¹⁸ Minnun nεn waa ve 'cεε 'nan, 'vaa -e min 'e 'kopa yı Bali va bε, 'e 'tε 'pa 'e 'fli 'kɔlε da, εn "nyian 'e Bali -le 'pasıanɔn nεn laji bε o bɔ bε, te 'ka "trɔεn "tɔ o wei lε dı. 'O 'fli -kɔɔnman nyrın nεn waa -tεa "bε -a, εn -wee -wulo -ji "nrɔndı -wlıdı -a -maan 'o 'fli "sıala -dandan, te -a -ci "ka "dı. ¹⁹ En Crızı nεn -leglızi -wulo -a bε, o 'ka 'o lεadı "nyian 'bε man dı. 'Pıan te -yεε -leglızi nεn -a 'bɔ po -a bε, -a man dra. En -yεε -maan e ya 'e 'fɔdı 'e cin man 'pleble, εn -yεε -maan "nyian -leglızi trɔman "le Bali cı "va "bε -yee 'wı 'zɔ.

²⁰ -A -cin 'e 'kɔn 'ka 'ji 'nan, 'cee -ka nεn ka 'wɔ 'ka 'vale Crızı -a 'e cin va bε, -yee "wεan lei -wlıdınun -le 'pleble 'ka "nyian 'ka da dı. -Mε "le "wεan nεn kaa dra "le 'nan fεnun zıε -wee 'pleble a tıan 'ka da? En -mε "le "wεan nεn ka ya "vale 'ka 'ta wula -wee 'srɔεnnun 'gɔε -a da? ²¹ Waa ve 'cεε 'nan, te 'ka fε 'gɔε -a 'sıa dı, εn te 'ka fε 'gɔε -a -blı dı, εn 'bε nεn 'gɔε ka'a 'kla 'bε man "fo "dı! ²² Fεnun zıε o ya -nan 'nan -e min 'e 'man wı drε -a. 'Srɔεnnun 'bɔ zıε minnun 'bε -tɔ -peı -a, εn minnun -le 'wı "paadı nεn. ²³ Bali -le 'pasıanɔn nεn laji bε o bɔdı bε, 'lee 'tε 'padı min 'fli 'kɔlε da bε, 'lee fεnun 'cıdı bε, te min -a 'man bε,

yaa ye "le 'wɪ 'tɔ wɪnɪn -zɔ. 'Pian te 'srɔɛnnɪn zɪɛ -a -ci "ka "dɪ, kɔɔ blamin ci 'sɔ wɪnɪn -wɪdɪ "bɛ, ya'a 'bɛ 'sia 'e 'lɔ dɪ.

3

Fɛnɪn nɛn Bali va bɛ -a da nɛn 'ka ci "nrɔn!

¹ -A -cin 'e 'kɔn 'ka 'ji 'nan, Bali 'ka wɪuan -kanɔn 'va 'ka 'vale Crizi -a. ɛn Crizi a 'e -nyrandɪ Bali -pɛ "yi "da. -Yee "wɛan nɛn fɛnɪn nɛn Bali va bɛ -a 'bɔ nɛn 'ka -wɛɛ, ² ɛn -a da nɛn 'ka ci "nrɔn tɔ pɛɛnɔn man! 'Pian te 'ka ci "nrɔn 'trɛda fɛnɪn da dɪ! ³ Kɔɔ ka ya "le minnɪn nɛn o -ka 'trɛda fɛnɪn va zia bɛ -wee 'wɪ 'zɔ. 'Bɛ nɛn 'gʊɛ, Bali 'belidɪ -nɔn 'cɛɛ 'ka 'vale Crizi -a, ɛn 'belidɪ zɪɛ -a man a 'e yɔɔdɪ Bali 'bɔ 'va. ⁴ 'Cee 'belidɪ 'kpa bɛ Crizi nɛn, ɛn tɔ nɛn e -taa "man "bɛ -a nyan nɛn ka -kɔan -a "srɔn, -e 'ka -yee 'tɔ -dan bɛ -a "nɛn "blɪ.

⁵ -Yee "wɛan 'wɪ 'wɪdɪ pɛɛnɔn nɛn 'trɛ 'gʊɛ -a da bɛ, 'ka 'bɛ yi -ka! -A -mie nɛn "le nyinnandɪ lɪ 'lee -kɔnnɛn -a te wa'a 'o cin 'pale dɪɛ -yee 'wɪ 'zɔ, ɛn "nyian "le 'wɪ pɛɛnɔn nɛn e min "tri -tɔa Bali 'lɛ bɛ, -yee 'wɪ 'zɔ, ɛn "nyian "le min -le ci "nrɔndɪ 'wɪnɪn zɪɛ -a da bɛ -yee 'wɪ 'zɔ, ɛn "nyian "le min 'bɔ ci 'sɔ wɪnɪn -wɪdɪ 'zɔ, ɛn "nyian "le min yiɛ nɛn ya'a 'ciala fɛ da dɪɛ -yee 'wɪ 'zɔ. ɛn 'wɪ 'bɔ zɪɛ -a drɛdɪ bɛ, e ya "le fɛ -tɔ nɛn min -a -tɔ Bali 'lɛji te yaa "sua. -Yee "wɛan 'wɪ 'wɪdɪ pɛɛnɔn zɪɛ te -a -tɔwɪ 'e 'kɔn 'ka yei "dɪ! ⁶ Kɔɔ 'wɪnɪn zɪɛ -a man nɛn Bali 'wɪ "nɛn -kɔnman minnɪn nɛn o 'ka 'vale 'o 'ta wɔla -a wei da dɪɛ -wɪɛ. ⁷ Tɔ nɛn te 'wɪ 'wɪdɪnɪn zɪɛ -wɛɛ 'ka "paala bɛ, te 'cee 'ta wɔ -pɛ a zɪɛ. ⁸ 'Bɛ nɛn 'gʊɛ, 'ka 'pɛ 'e 'si 'wɪ 'wɪdɪnɪn pɛɛnɔn zɪɛ -a -sru! ɛn "nyian bɛ, nyran siadɪ, 'lee 'bli 'fɔdɪ min ji, 'lee 'nandɪ min

man be, te -a -tɔwli 'e 'kɔn 'ka yei "dɪ! En "nyian be, "srɔnnun wɔdɪ 'lee 'wɪdɪ min man -wɪdɪ "bɛ, te -a -tɔwli 'e bɔla 'ka 'le dɪ! ⁹ En te 'ka 'wlu 'sɛn 'ka cin lɛ dɪ! Kɔɔ min nɛn ka cɪ -a 'e tɛdɛ bɛ 'lee 'ka drɛ winun 'cɛn bɛ, ka cɛɛn 'bɛ man. ¹⁰ 'Bɛ nɛn 'gɔɛ ka drɛ min -trɛ -a. Bali 'bɔ 'bɛ drɛ, ɛn e -ko 'ka liladɪ -a zɪɛ -trilii, -e 'ka 'sia, te 'cee -a -tɔdɪ "paa "da. ¹¹ 'Wɪ nɛn Bali -a drɛ zɪɛ -yee "wɛan bɛ, -te min a Zuif min -a oo, ɛn -te e 'ka Zuif min -a dɪ oo, 'bɛ a 'e "tun. En "nyian bɛ, -te min a 'e 'fɔdɪ -klɔnmɔn -va oo, ɛn -te e 'ka 'e 'fɔdɪ -klɔnmɔn -va dɪ oo, 'bɛ a 'e "tun. En "nyian bɛ, -te min a -pɛn min -a oo, ɛn -te min a 'lɛglɔn 'kɔɔbli -ji min -a oo, 'bɛ a 'e "tun. En "nyian bɛ, -te min a nɔan -a oo, ɛn -te min 'ka nɔan -a dɪ oo, -a pɛɛnɔn zɪɛ 'bɛ a 'e "tun. 'Pian 'wɪ nɛn Bali -a -nanjɛan 'ka pɛɛnɔn 'va bɛ, Crizi nɛn. En -yɛɛ cɪ 'ka pɛɛnɔn 'ji.

¹² Bali 'ka 'si "va 'nan, -e 'ka drɛ 'yee minnɔn -a, ɛn e 'ka ye "yi. -Yee "wɛan min nyrinda 'e 'sɛn 'ka da, ɛn 'ka 'kɔn min 'kpa -a, ɛn te 'ka 'fli 'sia -dandan dɪ, ɛn 'ka 'kɔn -trɔɔ min pɛɛnɔn 'va, ɛn 'ka -pɔan 'e 'sɔ 'wɪ 'ji! ¹³ Te 'ka "bɔɪ -tɔ plu 'ka man dɪ! -Te 'ka "bɔɪ -tɔ 'wɪ drɛ 'cɛɛ bɛ, 'ka man wɪ 'cɛ. Minsan 'ka 'man wɪ 'cɛ -yee "wɛan 'ka min man wɪ 'cɛ. ¹⁴ En 'wɪ 'tɔwli "nɛn e cɪ -a pɛɛnɔn zɪɛ -a -wulo -a bɛ, -nyrɛn 'nan 'ka cin yɪ "yi. Kɔɔ 'ka cin yɪdɪ "yi 'bɛ -maan 'lɔɔ 'shɛ 'lee -sɛɛ -kɔan 'ka yei.

¹⁵ Crizi -le -fɔdɪ -trɔɔ nɛn yaa -nɔn 'cɛɛ bɛ, -a da nɛn 'ka 'ci "nrɔn -e 'ka 'wɪ drɛ 'ka cin va. -Fɔdɪ -trɔɔ zɪɛ -a man nɛn Bali 'ka laabɔ 'nan -e 'ka 'kɔn "le min -tɔwli 'zɔ. -Yee "wɛan 'ka Bali muo "fɔ tɔ pɛɛnɔn man. ¹⁶ Crizi -le 'wɪ 'nɔnnɔn bɛ, 'e 'kɔn 'ka yei 'e 'ciladɪ "da! 'Wɪ 'tɔdɪ -a nɛn 'ka 'wɪ "paa 'ka cin ji, te ka -ko 'wɪ pladɪ -a 'ka cin lɛ. 'Ka Bali muo "fɔ 'ka

'bli pεεnɔn 'a, te ka -ko -yee 'fluba 'ji "drenun -fɔdɪ -a, 'lee -a 'tɔ bɔ "drenun -fɔdɪ -a, 'lee "drenun nɛn Bali lei 'saun -a -cin -tɔa 'ka 'ji bε -a -fɔdɪ -a. ¹⁷ 'Wɪ oo 'wɪ nɛn kaa dra 'lee kaa ve bε, 'e -kɔɔn 'nan ka ya Minsan Zozi -srɔnɔn 'a. En 'ka 'ciɪla "va -e 'ka -kaa "tɪ Bali muo "fɔ.

'Ka 'wɪ drɛ 'ka cin va 'yi!

¹⁸ Kaa nɛn ka cɪ min nannun -a bε, 'ka 'ta wɔla 'ka -sran wei da! 'Wɪ nɛn e cɪ "le 'ka drɛ bε -nyrɛn "bε, kɔɔ ka ya Minsan -le vɛ -a.

¹⁹ Kaa nɛn ka cɪ lɪ -srannun -a bε, 'ka nan yɪ "yi, ɛn te 'ka o 'pla -pɔan 'tɔndɔn 'a dɪ!

²⁰ Kaa nɛn ka cɪ nannannun -a bε, 'ka 'ta wɔla 'ka "tɪ 'lee 'ka "bɔ wei da -pɛ pεεnɔn 'ji! 'Wɪ zɪɛ -a drɛdɪ 'bɛ 'sɔ Bali lɛ, kɔɔ ka ya Minsan -le vɛ -a.

²¹ Kaa nɛn ka cɪ 'nɛn "tɪnɔn -a bε, 'wɪ nɛn e 'cee 'nɛn 'ci -tɔa lou 'ka man bε, te 'ka drɛ -wɪɛ "dɪ, "tɔgɔ o "koe 'e 'si 'o da!

²² Kaa nɛn ka cɪ nɔannun -a bε, 'ka 'ta wɔla 'ka 'tanɔn wei da -pɛ pεεnɔn 'ji! Te 'ka drɛ o yɪɛ lɛ 'saza 'nan -e 'o 'ka yɪ "yi "dɪ! 'Pian 'ka "klan Minsan lɔ, ɛn 'ka drɛ 'ka 'ci 'fɪdaa 'a! ²³ 'Nyranman pεεnɔn nɛn kaa "paa bε, 'ka drɛ 'ka 'bli pεεnɔn 'a! En 'ka 'ci "nrɔn 'nan, Minsan lɛ nɛn ka cɪ 'nyranman zɪɛ -a 'panan, blamin lɛ "cɛɛ dɪ! ²⁴ -A -cin 'e 'kɔn 'ka 'ji 'nan, Minsan 'ka -ko "paa. -Kopa zɪɛ "yi "nɛn Bali -a 'pla 'yee minnɔn -le vɛ -a bε -nyrɛn. -Yee "wɛan 'ka 'tazan nɛn Crizi -a bε 'ka 'su! ²⁵ 'Pian min nɛn e 'wɪ 'wɪdɪ drɛ bε, yaa "nɛn "ye, kɔɔ Bali 'ka min bɔ "va -e 'e va wɪ drɛ dɪ.

4

¹ Kaa nɛn ka cɪ o tanɔn 'a bε, 'wɪ nɛn e cɪ "le 'o drɛ min lɛ -e 'e Bali ci 'sɔ bε -nyrɛn 'ka drɛ 'cee nɔannun

le! 'Ka 'bɔ "nyian, -a -cin 'e 'kɔn "cee 'ji 'nan, 'ka 'tazan a laji.

'Ka Bali trv 'ba en 'ka Bali -le 'wɪ vɪ minnun le

² Te 'ka "koe 'e 'si 'ka da Bali trv 'badɪ -a dɪ! 'Ka yie -trɔa "da, en 'ka Bali muo "fɔ! ³ En "nyian 'ka Bali trv 'ba 'kʊe 'nan, 'e -si -nɔn 'kʊe -e 'kʊ Crizi -le 'wɪ 'nɔnɔn nɛn -a -ci a 'e yɔɔdɪ minnun man bɛ, -a fuila "man. 'Wɪ zɪɛ -a man nɛn an ya -pʊ 'kuin. ⁴ -Yee "wɛan 'ka Bali trv 'ba 'mɛn 'nan, -si 'e 'lɛ 'sʊ -e 'an 'wɪ 'nɔnɔn zɪɛ -a vɪ 'wein, "le zɪ e ci 'mɛn 'nyranman -a bɛ -yee 'wɪ 'zʊ.

⁵ 'Wɪ 'tɔdɪ -a nɛn 'ka 'ta wʊ minnun nɛn o 'ka Zozi 'va dɪɛ o va. Tʊ -tʊdʊ pɛɛnɔn nɛn e "paala 'ka 'vale waa 'ka yei "bɛ, te 'ka 'tʊ 'e srɛ 'e "tun "dɪ! ⁶ Weinun nɛn o bɔala 'ka 'le bɛ, 'o 'kɔn tʊ pɛɛnɔn man "yi, en -a 'nɔnɔn 'e 'fʊ min man! Kɔɔ e ya "le -te min 'wɪ 'tʊ laabʊ 'ka 'lɔ bɛ, 'ka -kɔla -a -sru vɪdɪ -a -yrɛ fɛnyian.

Pɔl 'wɪ 'nyranman 'vɪ Kolos 'nɔn le

⁷ -Kaa "bʊɪ Zozizan Tisik nɛn kʊ 'nyranman "paa waa 'gʊɛ, 'wɪ nɛn 'an man 'gʊɛ -yɛɛ "ta "lo -a -nan 'sinan 'palɛ 'cɛɛ. Kʊa ye "yi 'kpa tɪglɪ, en -a yie yra Minsan -le 'nyranman 'padɪ da. ⁸ Maan 'pa 'sia 'cɛɛ 'nan, -e 'e 'kʊ 'ta wɪ vɪ 'cɛɛ, en "nyian -e 'e 'ka "koe "tɔ 'ka da. ⁹ Mɛɛn 'pa 'sia 'o 'vale -kaa "bʊɪ Zozizan Onezi nɛn 'ka 'bɔ 'va min -a bɛ -a. Kʊ 'bɛ ye "yi 'nyian 'kpa tɪglɪ, en -a yie yra Minsan -le 'nyranman 'padɪ da. -Wɛɛ 'kʊ 'ta wɪ pɛɛnɔn ve 'cɛɛ.

¹⁰ Ariza nɛn 'kʊ 'vale -a kʊ ya -pʊ 'kuin 'gʊɛ, e 'nan 'e 'ka 'tɔ bo. En "nyian Mark nɛn Barnaba "blu -le 'nɛn 'a bɛ, e 'nan 'e 'ka 'tɔ bo. An -yee 'wɪ crɛn -tɛ 'fluba -tʊ -ji bɛ, 'ka 'ci "nrɔn 'wɪ zɪɛ -a da. E "ta "lo "bɛ, 'ka 'kun 'ka 'pɛ "fli "a. ¹¹ Zozi nɛn waa laabo Zuti bɛ,

"e 'vɪ "nyian 'nan 'e 'ka 'tɔ bo. Zuif 'nɔn pɛɛnɔn nɛn o yi -tɛra Zozi Crizi da bɛ o yei "bɛ, min yaaga zɪɛ o 'bɔ 'a nɛn, kʊ 'nyranman "paa. 'Nyranman zɪɛ -nyrɛn 'gʊ. Kʊa -wɛɛman 'nan, minnʊn 'o 'wɪ "man 'nan Bali 'bɛ cɪ 'o da mingɔnnɛn -a. Min yaaga zɪɛ -wee "wɛan 'an "koe "a 'an da 'kpa tɪglɪ.

¹² Epafra nɛn 'ka 'va min -a bɛ, e 'nan 'e 'ka 'tɔ bo. Zozi Crizi 'suzan tɪglɪ nɛn. Tʊ pɛɛnɔn man bɛ, e ya 'e kɔaladɪ Bali trʊ 'badɪ man 'cɛɛ. Yaa laabo Bali lɔ 'nan, te 'ka 'pɛ -sru 'e tɔa -yee 'wɪ 'ji dɪ, ɛn "nyian 'nan 'ka drɛ ceje -yee 'wɪ 'ji. ɛn yaa laabo -yrɔ "nyian 'nan, 'wɪ nɛn e cɪ Bali 'bɔ 'ci 'sɔ 'a bɛ, 'ka -kɔla -a drɛdɪ -a. ¹³ Maan 'yɪ 'nan, -a "koe "a -nyannan 'ka man 'kpa tɪglɪ, ɛn -a "koe "a -nyannan "nyian Laodize 'nɔn 'lee Irapoli 'nɔn man. ¹⁴ -Kaa bee Luk nɛn -dɔdrɔ -a bɛ, 'o 'vale Dema -a o 'nan 'o 'ka 'tɔ bo.

¹⁵ Zozinɔn pɛɛnɔn nɛn Laodize bɛ, kʊ o 'tɔ bo. ɛn "nyian bɛ Nifa 'lee Zozinɔn nɛn o cin ye -yee 'kuin bɛ, kʊ o 'tɔ bo.

¹⁶ -Te ka cɛɛn 'fluba 'gʊɛ -a ta vidɪ man bɛ, ka -kʊ -a Zozinɔn nɛn Laodize bɛ -wlɛ -e "o ta vɪ. ɛn 'ka 'bɔ "nyian, Laodize 'nɔn 'le vɛ bɛ "cɛɛ ta vɪ.

¹⁷ 'Ka vɪ Asip lɛ 'nan, 'e yɪɛ 'tɔ 'e 'fli -va, -e 'nyranman nɛn Minsan -a -pɛba 'wʊ -yrɔ "bɛ, -a -pɛ 'e 'sɔ -a drɛdɪ -a.

¹⁸ 'An 'bɔ Pɔl, an "we 'ka 'va. Mɛɛn 'ka 'tɔ budɪ 'gʊɛ -a crɛn -tɛ 'an 'bɔ 'pɛ -a. -A -cin 'e 'kɔn 'ka 'ji 'nan, an ya -pʊ 'kuin.

Bali -le "yɪ 'e 'kɔn 'ka 'va.

Bali -le 'fluba 'trε Zozi blamin pli Bali man 'e 'pee

New Testament in Yaouré

copyright © 1999 Wycliffe Bible Translators, Inc.

Language: Yaouré

Translation by: Wycliffe Bible Translators, Inc.

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yaouré

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files
dated 29 Jan 2022
ff06db1d-9f3b-5426-a70e-8791739b38bc